

Na osnovu člana 94. Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17, 30/19, 34/20, 33/21), odredbi Pravila JU OŠ „Mula Mustafa Bašeskija“ Sarajevo, a u vezi sa Ispravkom Odluke o Pedagoškim standardima za osnovni odgoj i obrazovanje i noramativima školskog prostora, opreme, nastavnih sredstava i učila za osnovnu školu ("Službene novine Kantona Sarajevo", broj: 21/24) i Sporazumom između Vlade Kantona Sarajevo i Samostalnog sindikata osnovnog obrazovanja i odgoja F BiH, Kantonalni odbor SSOiO Kantona Sarajevo ("Službene novine Kantona Sarajevo", broj: 29/24), uz saglasnost Sindikalne podružnice JU OŠ "Mula Mustafa Bašeskija" Sarajevo Samostalnog sindikata osnovnog obrazovanja i odgoja Federacije Bosne i Hercegovine – Kantonalni odbor Kantona Sarajevo (u daljem tekstu: Sindikalna podružnica), Školski odbor JU OŠ „Mula Mustafa Bašeskija“ Sarajevo, na sjednici održanoj dana 23.8.2024. godine, donosi

**PRAVILNIK
O IZMJENAMA
PRAVILNIKA O UNUTRAŠNJOJ ORGANIZACIJI I SISTEMATIZACIJI RADNIH
MJESTA JU OŠ "MULA MUSTAFA BAŠESKIJA" SARAJEVO**

Član 1.

U Pravilniku o unutrašnjoj organizaciji i sistematizaciji radnih mjesta u JU OŠ „Mula Mustafa Bašeskija“ Sarajevo, broj 559/24 od 10.5.2024.godine, u članu 5. A) **RUKOVODNO OSOBLJE**

Pod 1. DIREKTOR ŠKOLE riječi

„Za direktora osnovne škole može biti imenovano lice koje, osim općih uvjeta, u pogledu stručne spremlje ispunjava uvjete za nastavnika, pedagoga, pedagoga-psihologa škole u koju konkuriše i ima:
-najmanje 8 godina radnog iskustva i od toga najmanje 5 godina radnog iskustva na poslovima u nastavi ili na pedagoško-psihološkim poslovima ili na rukovodnim poslovima u Školi,
-najmanje VII stepen stručne spremlje, odnosno završen najmanje II ciklus bolonjskog visokoobrazovnog procesa,
-najmanje zvanje mentora, kao i druge uslove propisane Zakonom“

zamjenjuju se riječima:

„Za direktora Škole kao javne ustanove može biti imenovano lice koje osim općih ispunjava i sljedeće uvjete:

- a) da u pogledu stručne spremlje ispunjava uvjete za radna mjesta u Školi a kako slijedi: nastavnik, pedagog, pedagog-psiholog, psiholog,
- b) da ima najmanje osam godina radnog staža, a od toga ukupno najmanje pet godina radnog staža na poslovima radnih mjesta nastavnik, pedagog, pedagog-psiholog, psiholog ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa)
- c) da ima najmanje visoku stručnu spremlje ili najmanje završen I ciklus bolonjskog visokoobrazovnog procesa sa 240 ECTS bodova, da ima najmanje stručno zvanje mentora,
- d) da posjeduje licencu/certifikat za obavljanje posloa direktora koju izdaje institut (uslov će se primjenjivati po donošenju Pravilnika iz člana 109. stav (5) Zakona o odgoju i obrazovanju u osnovnoj i srednjoj školi u Kantonu Sarajevo, (Sl.Novine Kantona Sarajevo broj:27/24))
- e) i druge posebne uslove Pravilnikom iz člana 109. stav (5) Zakona o odgoju i obrazovanju u osnovnoj i srednjoj školi u Kantonu Sarajevo, (Sl.Novine Kantona Sarajevo broj:27/24))

u članu 5. A) RUKOVODNO OSOBLJE

Pod 1.POMOĆNIK DIREKTORA ILI VODITELJ DIJELA NASTAVNOG PROCESA riječi

„Za pomoćnika direktora osnovne škole može biti imenovano lice koje, osim općih uvjeta predviđenih Zakonom, ispunjava uslove za imenovanje direktora škole i:

- da u pogledu stručne spremlje ispunjava uvjete za nastavnika, pedagoga, pedagoga-psihologa škole u koju konkuriše;

- najmanje 8 godina radnog iskustva i od toga najmanje 5 godina na poslovima u nastavi ili na pedagoško-psihološkim poslovima ili na rukovodnim poslovima u školi,
- najmanje VII stepen stručne spreme, odnosno završen najmanje II ciklus bolonjskog visokoobrazovnog procesa,
- najmanje zvanje mentora, kao i druge uslove propisane Zakonom“ **brišu se.**

Član 2.

U Pravilniku o unutrašnjoj organizaciji i sistematizaciji radnih mjesta u JU OŠ „Mula Mustafa Bašeskija“ Sarajevo, u članu 5. F) BROJ I STRUKTURA OSTALOG OSOBLJA ZA PODRŠKU FUNKCIONIRANJA I RADA ŠKOLE,

pod 2. Radnik za servisno – tehničku podršku, umjesto riječi:

„Poslove ovog radnog mjesta mogu obavljati i radnici zatečeni na poslovima radnika za servisno-tehničku podršku“, treba da stoje riječi: „Poslove ovog radnog mjesta mogu obavljati i radnici zatečeni na poslovima domara ili ložača (specijaliste za određenu vrstu kotlovnice)“.

Član 3.

U članu 5. F) BROJ I STRUKTURA OSTALOG OSOBLJA ZA PODRŠKU FUNKCIONIRANJA I RADA ŠKOLE,

pod 3. Radnik za servisno – tehničku i sigurnosnu podršku, umjesto riječi:

„Poslove ovog radnog mjesta mogu obavljati i radnici zatečeni na poslovima radnika za servisno-tehničku i sigurnosnu podršku“, treba da stoje riječi: „Poslove ovog radnog mjesta mogu obavljati i radnici zatečeni na poslovima domar/ložač/dnevni čuvar.“

Član 3.

Pod VI PRELAZNE I ZAVRŠNE ODREDBE, član 13. stav (1) mijenja se i glasi:

„Ovaj Pravilnik stupa na snagu danom donošenja a primjenjuje se od 1.9.2024.godine.“

Član 4.

Svi ostali članovi u Pravilniku o unutrašnjoj organizaciji i sistematizaciji radnih mjesta JU OŠ „Mula Mustafa Bašeskija“ Sarajevo, broj 559/24 od 10.5.2024.godine, ostaju na snazi i nepromijenjeni.

Član 5.

Ovaj Pravilnik o izmjenama Pravilnika o unutrašnjoj organizaciji i sistematizaciji radnih mjesta JU OŠ „Mula Mustafa Bašeskija“ Sarajevo, stupa na snagu danom usvajanja od strane Školskog odbora.

Broj: 926/24
Sarajevo, 23.8.2024.godine

Predsjednik Školskog odbora
Dina Brčić